



超低价提供8000余种民国前地方志

邮箱: yxlgw@eyou.com

电话: 13754665768

QQ: 870896327

<http://blog.sina.com.cn/tmgjgzs>

濱州舊志後序

濱舊志二泰宏間一梓傳簡止五六十葉一筆記幾百葉皆出自張少司徒家藏久未遂所矢就因以托胡使君使君復及余余乃呈太守艾公又轉授之余增帙若干廼公亟命肆所所徵於諸生者以其命命之於衆說同異撮其梗要請裁於公公郢之錯綜參伍且告於薦紳先生曰是志也設餽材卽所捐俸焉嗟乎文獻不足史無闕疑孔子並惜之而今而後吾知免夫不然前無所據後不足徵濱雖郁郁乎文如斯而已

訓導萊人毛似徐識

濱州志

序

三

酌次第施行之甫及期諸亦稍稍就理而郡志獨闕則後之視今又不猶今之視昔耶迺因郡倅胡君格誠之請督學憲公始下其狀於州於是敦延博士毛君似徐主其事據文獻之僅存酌土俗之所習而又採覈於士林諸彥考正於鄉薦紳大夫日刪月削越數月而告成焉爲卷凡若干條例凡若干詳而則要而約辯博而核庶幾哉足爲一郡之完書也後之蒞斯土者其

濱州志

序

二

有所稽而運其轉移化導之術生斯土者其有所範而鼓其迅勵丕變之機由是上無紕政下有淳風而不佞亦可藉手以寡過矣因其梓成附著數語於篇端使覽者知志之所由成云萬厯十一年歲癸未冬十一月晦日知濱州事

臨川艾梅識

重修濱州志序

濱州舊有志八卷然多不合
體裁且修自康熙四十四年
迄今百五十五載尚未修輯
將何以信今而傳後予於戊

濱州志

序

一

時仲夏奉

命來守武郡公暇重修郡志乃
歷百年未修者經年餘告
成復取州志而修輯之損
者損增者增越數月不覺

已有成稿矣攷濱州代出人
物自元有解侍讀學士拜御
史中丞至明有張薛二尚書
王氏二巡撫而杜氏尤多賢
一甘肅巡撫一湖廣藩司一

河南叅政已赫赫乎盛矣迨
本朝賢哲挺生則更稱極盛
焉文端公文正公橋梓迭
興一官至吏部侍郎一官
至協辦大學士而後嗣昆

仲繼起一任戶部侍郎一
任工部侍郎蒸蒸焉將以
紹前徽一門之盛甲於天
下殆所謂地霸人傑者與
茲志既成即郵寄京師呈

二侍郎鑒正後再付梓人
爰書數語而為之序

咸豐十年庚申歲夏五

望日

賜進士出身

誥授朝議大夫山東知武定府事

江右李熙齡撰



濱州志

序

四

濱州志

舊志凡例

二誌以傳信亦當闕疑郭公夏五春秋尙無其文故巨跡空桑之類并不承訛濫紀

一域內川澤景物今昔無改惟鬲津訛徒駭茲據前賢衆論考其故道釐而正之

一城池學校衙署及諸公所詳其始建年月修繕姓名以識古今興革之由

一序記題咏分載各類之下以便披覽且正體裁

濱州志

卷首 舊凡例

一

必其裨於地方切於時事者乃錄之他如感慨悲憤之作自寄其牢騷風雲月露之章雅適其情性概不收入

一典制之一定者備載以資考稽賦役則增汰不常紀其大畧皆以明州治所有事耳

一遠朝近代父母師保凡一政一教莫非甘棠大澤之遺悉存實錄既寄思慕更樹標格

一人材之產甲乙榜猶有足徵貢生則題名無稽

未免掛□

一元達者後學之師吾州薦紳先生或服官而茂
勲猷或居鄉而著模範俱宜表其芳躅以存典
型

一士君子生斯地也品行莫重於鄉評苟有一善
可述事在耳目之前者不妨少爲區別分屬風
勵

一閨閫艱貞窮鄉僻隅湮沒爲多故凡得於採聞
者概登姓氏無去取也

一所傳記官師以去任爲率士夫以蓋棺爲定既

濱州志

卷首 舊凡例

二

遵義例亦避嫌疑惟節婦間載一二生者皆白
首完名合宜表章者也

一宦績人物中容有事可傳而名無傳名雖傳而
事無傳者闡發莫據徒有太息

一記載之詞或書事或表地或傳人祇取達意支
蔓浮夸所不敢涉

濱州志

新志凡例

一舊志止于康熙四十四年以後無攷尙幸府志
早已採訪刊行修輯頗易

一舊志太繁不當者概爲刪正如列元代加封聖
號以及典禮之多概刪之

一舊志止八卷茲有增益分爲十二卷

一舊志列段干木臺又列其墓皆訛以傳訛據省
志是段子明若段干木乃晉人斷其悞列茲從

濱州志

卷首 新凡例

一

之

一舊志貢監掛一漏萬殊可不必其有已登仕籍
者概列文仕宦

一舊志題咏門有載州人知縣杜杲又州人劉煥
查科甲副拔仕宦等門俱無此人可見舊志亦
多遺漏惟出身無憑查攷不敢增入仍缺之

一元代張德新濱州人任樂安尹列三尹祠而舊
志各門無此人茲照青城志補入鄉賢傳但出
身無憑查攷不敢增入仍缺之

以上二條並
附列文仕宦

一舊志序記題咏分載各類之下雖便披覽但人名不分年代且藝文志獨缺亦非善本茲概更正

一杜石樵先生所記載二十餘條并附入

一以後修府志凡濱州各門應照新修濱州志改正

一列女藺氏孟隆妻周氏趙銘妻吳氏李克讓妻皆三十一二歲守節不合例張氏杜彤輝妻生受夫封守節例不准請旌皆奉部扣除府志未及改正

濱州志

卷首

新凡例

二

濱州志

卷首

序文

舊志凡例

新志凡例

目錄

圖攷

卷一 方輿志

星野

沿革

附考辨

形勝

河海溝窪
塘井附

疆域

附鄉圖保甲
鎮店市廛

古蹟

名景

卷二 建置志

城池

公署

學校

濱州志

卷首

目錄

一

壇壝

附廟祠
寺觀

兵防

附舖舍

倉廩

坊表

津梁

塚墓

漏澤園

卷三 禮典志

祭祀

朝賀

迎春

救護

鄉飲

講約

卷四 賦役志

田賦

附人丁

官俸

附役食

鹽法

雜稅

卷五 紀事志

祥異 附兵燹

卷六 風俗志

風俗 附物產

卷七 秩官志

文秩 武秩

卷八 名宦志

宦績

卷九 選舉志

濱州志

卷首 目錄

二

徵辟 進士 舉人

副貢 拔貢 文仕宦

武進士 武舉人 武仕宦

封贈 恩廕

卷十 人物志

鄉賢 忠節 孝友

文學 列女 厚德

耆壽 隱逸 方技

仙釋



超低价提供8000余种民国前地方志

邮箱: **yxlgw@eyou.com**

电话: 13754665768

QQ:870896327

<http://blog.sina.com.cn/tmgjgzs>

濱州志卷之一

方輿志

星野疆域

沿革附鄉圖

形勝保甲鎮店市廛古蹟名景

附河海溝窪塘井

禹奠山川畫屬兗州之域周胙茅土封爲濱海之

疆秦紀縈蒲以來已於三齊記盛漢屬涇沃而後

歷乎五代稱州星應危精地沿渤海涵滄溟而滙

諸水分疆界而近

神京鄉圖與保甲同登可見村民之生聚鎮店偕市廛

齊記並知商賈之阜通秦臺雄鎮東偏葱葱霧裏

兔嶺奇呈西鄙脉脉水中古蹟具存名景是附維

濱州志

卷一

方輿星野

一

職方之是採賴編簡之無遺

星野

周禮保章氏掌天星以星土辨九州之地則女虛危

在子實齊之分野

晉天文志曰齊國入虛六度北海入虛九度濟南八

危一度樂安入危四度

唐天文志須女虛危元枵也又於北斗屬機星於五

星屬歲於律屬大呂

□堂考索云虛危齊分

明史天文志分野山東濟南府樂安德濱三州皆危
分危十三度至奎一度陬訾之次也

舊濱州志曰濱去樂安止九十里所入星度應不相
遠或謂濱入危三度似也星辰遠而難測必曲爲
之說則鑿矣

謹案分野諸說不同去之亦易滋惑究之天道遠
杳茫莫測兼之歷代郡縣更置不一躔度尤難揣
合伏讀

欽定熱河志力闢分野之說則羣疑可以盡釋茲特仍前

濱州志

卷一 星野

二

志姑列之以備覽

李熙齡識

沿革

考辨附

自唐虞迄秦而後輿地率多變更或名號之不一或隸屬之不同皆隨時而改源流幾難辨矣然總不能易民而治惟在司土者鑒成憲酌時宜以敷政耳濱州歷代互異渤海郡縣分析綦難用立考辨于後以俟識者鑒定

唐虞爲禹貢兗州之域

夏商爲兗州地

周 春秋 戰國屬齊地

濱州志

卷一

沿革

三

西漢爲千乘郡涇沃縣地

東漢改千乘郡爲樂安國改涇沃爲涇陰

魏晉爲樂陵郡涇沃縣地

南宋北魏屬樂陵郡

隋爲渤海郡蒲臺縣地

唐爲棣州渤海縣地

按唐書垂拱四年析蒲臺厭次置渤海縣山東通志天寶中遷李邱村卽今治後唐於縣置榷鹽務後漢改爲贍國軍